

Fundur svæðisráðs Norðursvæðis Vatnajökulsþjóðgarðs

7. júní 2013

Mættir kl. 13.00: Sigprúður Stella Jóhannsdóttir frá umhverfisverndarsamtökum, Böðvar Pétursson Skútustaðahrepp, Friðrika Sigurgeirsdóttir frá Þingeyjarsveit, Helgi Héðinsson frá ferðamálsamtökum norðurlands, Jóhann Björgvinsson frá samtökum útivistarfélaga, Sigurjón Benediktsson frá Norðurþingi og Hjörleifur Finnsson þjóðgarðsvörður sem ritar fundargerð.

DAGSKRÁ:

Dagskrá:

1. Stjórnunar og verndaráætlun hafa menn athugasemdir við framlagt skjal.
2. Umsögn um ósk um stöðuleyfi fyrir aðatöðuhús við hestagerði í mynni Ásbyrgis.
3. Afmælisdagskrá, staða og framvinda.
4. Almenn umræða um áhrif og störf svæðisráðs.
5. Önnur mál.

1. **a) Umræða um hraðatakmarkanir á nýjum Dettifossvegi 862.** Fram komu efasemdir um að þetta væri á dagskrá fundarins. Böðvar svaraði því til að öll Verndaráætlunin lægi undir. Hjörleifur rakti söguna á bak við hugmyndir um lækkaðan hámarkshraða, en þær hefðu ófrávíkjanleg krafa hjá fyrrum þjóðgarðsyfirvöldum og í álitni skipulagsstofnunar, þar sem aldrei hefði staðið til að hraðbraut yrði í gegnum þjóðgarð. Böðvar benti á að orðalag stjórnunnar og verndaráætlunar þyrfti ekki að túlka á þann veg að hámarkshraða skyldi lækka. Nokkarar umræður sköpuðust um málið.

Sigurjón Benediktsson svæðisráðs: Svæðisráð ályktar að sömu reglur um hámarkshraða flutninga eigi að gilda fyrir Dettifossveg 862 og almennt tíðkast með vegi með sambærilega hönnun. Einn greiddi atkvæði með, þrjár á móti og tveir sátu hjá og tillagan því felld.

Böðvar lagði því næst til að svæðisráð álykti: „Svæðisráð norðursvæðis beinir því til stjórnar að í viðræðum við Vegagerðina verði lögð áhersla á að leiðbeinandi hraði (merkt með bláum skiltum) verði á dettifossvegi 862 í þjóðgarði og ef hraði á vegi hefur neikvæð áhrif á upplifun gesta þjóðgarðsins skuli endurskoða skilmálanna.“ Fjórir greiddu atkvæði með, einn á móti og einn sat hjá. Tillagan því samþykkt.

Sigprúður Stella Bókar: „Það á að takmarka hámarkshraða á Dettifossvegi í samræmi við forsendur vegarins og umhverfismat.“

- b) Vonarskarðsleið:** Jóhann gagrýndi niðurstöðu stjórnar og sérfræðingaskýrsluna sem að baki henni lá. Böðvar, varði skýrslu sérfræðingahópsins og niðurstöðu stjórnar. Benti hann jafnframt á að vonarskarð væri á öðru svæði, vestursvæði. Sigurjón og Jóhann lögðu til eftirfarandi tillögu: „Svæðisráð norðursvæðis telur að Vonarskarðsleið eigi að vera hluti af

vegakerfi þjóðgarðsins og að sértakar merkingar og leiðbeiningar tryggi verndun svæðisins.“ Þrír greiddu atkvæði með, tveir á móti og einn sat hjá.

2. **Umsögn um stöðuleyfi vegna 9m² smáhýsis við hestagerðið í Ásbyrgi.** Umsókn um leyfið kemur frá Active North en þau vilja hafa húsið á svæðinu frá 15. júní til 1. september. Hjörleifur vísar af fundi undir þessum lið vegna tengsla við umsækjendur. Helgi ritar í hans stað undir þessum lið. Böðvar leggur til að svæðisráð gefi jákvæða umsögn. Tillagan er samþykkt með fimm atkvæðum en einn situr hjá.
3. **Afmælis dagskrá, staða og framvinda.** Undirbúningi að afmæli 29 júní með menningardagskrá miðar áfram. Ferðamálastofa, Norðurþing, Atvinnuþróunarfélag Þingeyinga og Landvernd eru búin að gefa jákvætt svar með að taka þátt í skipulagningu málþings á haustdögum. Ekki hefur borist svar frá umhverfisráðuneytinu.
4. **Almenn umræða um áhrif og störf svæðisráðs.** Sigurjón segir frá hugleiðingum sínum um svæðiráð almennt. Hann telur að sérfræðingaveldi valdi lýðræðishalla og að svæðisráð nái því ekki að rækja hlutverk sitt. Nokkur umræða spannst um þessi mál og ræddu menn stjórnkerfi þjóðgarðsins kosti þess og galla.
5. **Önnur mál:**
 - a) Skoðunarferð svæðisráðs: Böðvar gerir tillögu að dagsetningum og ferðatilhögun
 - b) Böðvar greindi frá stöðu skipulagsmála og framkvæmda við Dettifoss að vestan. Þau eru í hnút þar sem ekki hefur náðst samkomulag við landeigendur Reykjahlíðar um kaup á landi undir byggingar og göngustíga. Komið hefur til tals hjá stjórn þjóðgarðsins að færa framkæmdasvæði norður fyrir þjóðgarðsmörk. Sigbrúður Stella benti á þriðja möguleika að færa þjónustusvæði að upphafi afleggjara að Dettifossi.